



Broj: 2-116/22
SARAJEVO, 05.10.2022. godine

OSNOVANO 1994

PREDMET: Stipendiranje putem otkupa stolnih kalendara „Sarajevo na akvarelima Fuada Arifhodžića“,-

Uvažena/i,

pozivamo Vas da, otkupom stolnih kalendara - „Sarajevo na akvarelima Fuada Arifhodžića“, učestvujete u stipendiranju djece i mladih iz porodica ratnih vojnih invalida i demobilisanih boraca, talentovane djece i mladih, djece i mladih sa invaliditetom, djece i mladih romske i drugih nacionalnih manjina, kao i onih u stanju socijalne potrebe u školskoj 2022/2023. godini. To bi bio prigodan poklon Vašim poslovnim partnerima i radnom osoblju u kompaniji/instituciji/ustanovi koju vodite.

Vjerujemo kako Vam je poznato da Udruženje „Obrazovanje gradi Bosnu i Hercegovinu - Jovan Divjak“ od 1994. godine kao nevladina, neprofitna i nestranačka organizacija ostvaruje misiju - djeca žrtava rata-naša trajna briga, te pruža moralnu i materijalnu podršku učenicima i studentima da, putem kvalitetnog i potpunog obrazovanja, postanu korisni članovi BH društva.

U dvadeset i osam godina rada Udruženje je podijelilo 7.897 godišnjih stipendija djeci i mladima u ukupnoj vrijednosti 7.169.635 KM (≈EUR 3.665.776,17). Istovremeno, njih više od 4.500 učestvovalo je u edukacijskim projektima te boravilo u 18 evropskih država, Kanadi i Urugvaju, te na Boračkom jezeru u BiH. Toj populaciji podijelili smo školski pribor, sportsku opremu, odjeću, obuču, hranu i pružili psihosocijalnu podršku u vrijednosti 5.326.996 KM (≈EUR 2.723.649,80). U dvadeset i dvije škole širom BiH donirali smo školska i sportska pomagala, keramičke table, informatičku opremu, knjige školskim bibliotekama te uradili obnovu školskih zgrada i sportskih dvorana u ukupnoj vrijednosti 215.039,14 EUR-a (≈420.580 KM). U dosadašnjem radu Udruženja, **59.730 djece, mladih i njihovih porodica** koristilo je naše usluge u vrijednosti **12.917.221 KM (≈EUR 6.604.464,11)**.

Udruženje „Obrazovanje gradi BiH – Jovan Divjak“, u cilju prikupljanja sredstava za stipendiranje djece i mladih, odštampalo je stolne kalendare (format 21x14,5 cm) čijom prodajom ima za cilj da obezbijedi 30 stipendija. Ove godine u saradnji sa Bošnjačkim institutom – Fondacija Adila Zulfikarpašića kalendar će krasiti 12 fotografija akvarela poznatog umjetnika Fuada Arifhodžića, njegova biografija i esej o Udruženju (na bosanskom i engleskom jeziku). Kalendar možete pogledati i na našoj web stranici www.ogbh.com.ba. Cijena jednog stolnog kalendara iznosi 6,00 KM s PDV-om.

Uvažena/i, pozivamo Vas da:

- otkupite određen broj stolnih kalendara „Sarajevo na akvarelima Fuada Arifhodžića“;
- lobirate kod partnera da otkupe odgovarajući broj stolnih kalendara i na taj način učestvuju u stipendiranju djece i mladih u Bosni i Hercegovini.

Ukoliko se odlučite za otkup više od 50 stolnih kalendara, na podložnom kartonu možemo štampati podatke o Vašoj kompaniji/instituciji/ustanovi (logo, adresa, telefon). Tada pojedinačna cijena kalendara iznosi 6,30 KM s PDV-om.

Poštovana/i, u očekivanju pozitivnog odgovora, unaprijed Vam se zahvaljujem u ime Udruženja „Obrazovanje gradi BiH – Jovan Divjak“ i osobno ime, te Vam upućujem želje za dalje uspjehe na profesionalnom planu, dobro zdravlje i ličnu sreću.

S poštovanjem,



IZVRŠNI DIREKTOR

Edin Bećarević